



**ӨВӨРХАНГАЙ АЙМГИЙН
ЗАСАГ ДАРГЫН ЗАХИРАМЖ**

2020 оны 12 сарын 11 өдөр

Дугаар А/543

Арвайхээр

**Гамшгаас хамгаалах өндөржүүлсэн бэлэн
байдлын зэрэгт шилжүүлсэн хугацааг
сунгах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.6 “б”, Гамшгаас хамгаалах тухай хуулийн 10 дугаар зүйлийн 10.1.2, 11 дүгээр зүйлийн 11.3.2, 32 дугаар зүйлийн 32.1.1, 32.1.8 дахь заалтыг тус тус үндэслэн ЗАХИРАМЖЛАХ нь:

1.Коронавируст халдвар (Ковид-19)-аас урьдчилан сэргийлэх зорилгоор Гамшгаас хамгаалах өндөржүүлсэн бэлэн байдлын зэрэгт шилжүүлсэн хугацааг 2020 оны 12 дугаар сарын 11-ний өдрийн 06:00 цагаас 2020 оны 12 дугаар сарын 31-ний өдрийг хүртэлх хугацаагаар сунгасугай.

2.Онги голын байнгын хяналтын цэг, Хархорин сумын Орхон голын гүүрийн түр хяналтын цэг, Туркийн замын байнгын хяналтын цэг, Хархорин сумын байнгын хяналтын цэг, Нарийнтээл сумын байнгын хяналтын цэгүүдийг 2020 оны 12 дугаар сарын 31-ний өдрийн 06:00 цаг хүртэл ажиллуулж, Арвайхээр сумын баруун түр хяналтын цэг болон бусад хяналтын цэгүүдийн үйл ажиллагааг 2020 оны 12 дугаар сарын 11-ний өдрийн 06:00 цагаас эхлэн зогсоосугай.

3.Халдвартай бүсээс ирсэн иргэдийг гэрийн хязгаарлалтад 14 хоног байх хугацаанд халдвар хамгааллын дэглэмийг мөрдүүлж, хяналт тавьж, хамтран ажиллахыг аймгийн Онцгой байдлын газар (дэд хурандаа Д.Одонбаяр), аймгийн Цагдаагийн газар (цагдаагийн хурандаа О.Ганбат), аймгийн Засаг даргын дэргэдэх Мэргэжлийн хяналтын газар (С.Дуламсүрэн), Эрүүл мэндийн газар (Д.Шиваанүрдэв), сум, багийн Засаг дарга нар, СӨХ-ийн дарга, гудамж, хэсгийн ахлагч, Улаан загалмайн хорооны сайн дурын идэвхтэн гишүүдэд тус тус үүрэг болгосугай.

4.Аймгийн хэмжээнд үйл ажиллагаа явуулж байгаа худалдаа, үйлчилгээний байгууллагуудын үйл ажиллагаа, хүнсний худалдааны газруудын ажиллах цагийн хуваарийг 2020 оны 12 дугаар сарын 11-ний өдрөөс эхлэн 09:00-19:00 цаг, төв бараан захын худалдаа, үйлдвэр, үйлчилгээний байгууллагуудыг 10:00-17:00 цаг хүртэл ажиллуулсугай.

5.Гамшгаас хамгаалах өндөржүүлсэн бэлэн байдлын зэрэгт шилжүүлсэнтэй холбогдуулан 2020 оны 12 дугаар сарын 11-ний өдрийн 06:00 цагаас 12 дугаар сарын 31-ний өдрийн 06:00 цаг хүртэлх хугацаанд архи, согтууруулах ундаа худалдаалах, түүгээр үйлчлэхийг түр хориглосугай.

011101235

6. Улсын чанартай авто замын дагуух үйл ажиллагаа явуулж буй үйлчилгээний газрууд (зоогийн газар, ресторан, цайны газар)-ын үйл ажиллагааг 12 дугаар сарын 11-ний өдрийн 06:00 цагаас 12 дугаар сарын 14-ний өдрийн 06:00 цаг хүртэл түр хориглосугай.

7. Хорио цээрийн дэглэмээс шалтгаалж орлого буурч, хүнсний хомсдолд орж байгаа хүнсний талон болон бусад тусламж үйлчилгээнд хамрагддаггүй зорилтот 3600 өрхийг сонгон хүнсний дэмжлэг үзүүлсүгэй.

8. Сүм хийдүүд үйл ажиллагаа явуулахдаа иргэд, олон нийтээс цахимаар болон үүрэн телефоны утсаар захиалга, үйлчилгээний хүсэлтийг авч олон нийтийг цуглуулахгүйгээр, халдвар хамгааллын дэглэмийг чанд мөрдөн, дотоод үйл ажиллагаагаа (ном хурах) зохицуулж ажиллахыг чиглэл болгосугай.

9. Олон нийтийг хамарсан урлаг, спортын нэгдсэн арга хэмжээ, цахим тоглоомын газар, интернет кафе, бүх төрлийн сургалтын үйл ажиллагаа, хурал, жагсаал цуглааныг дээрх хугацаанд зохион байгуулахыг түр хориглосугай.

10. Худалдаа, үйлчилгээний аж ахуйн нэгжүүдэд халдвар хамгааллын дэглэмийг чанд мөрдүүлж, үйлчлүүлж байгаа иргэдийн биеийн халууныг хэмжиж, амны хаалт зүүсэн эсэхэд хяналт тавин нэг удаагийн бээлий, гар ариутгагчаар хангаж үйлчилгээ үзүүлэх болон байгууллагын орчны хяналтын камерын байнгын ажиллагааг хэвшүүлж, камерын бичлэгийг 30 хоног хүртэл хадгалж архивлахыг үүрэг болгосугай.

11. Дээрх худалдаа, үйлчилгээний, төвүүдийн гадна, дотор талын ариутгал, халдваргүйтгэлийг тогтмол хийлгэж, хяналт тавьж ажиллахыг аймгийн Засаг даргын дэргэдэх Мэргэжлийн хяналтын газар (С.Дуламсүрэн), Зооноз өвчин судлалын төв (Б.Сүхбаатар), сумын Засаг дарга нарт тус тус даалгасугай.

12. Харьяалах нутаг дэвсгэрийн хэмжээнд гамшгаас хамгаалах бэлэн байдлын зэргийг сунгасантай холбогдуулан төрийн болон нутгийн захиргааны байгууллагуудын үйл ажиллагааг тасралтгүй явуулж, хорио цээрийн дэглэмийг чанд мөрдүүлж, хяналт тавин ажиллахыг сумдын Онцгой комисст даалгасугай.

ЗАСАГ ДАРГА



А.ИШДОРЖ